



吳興姚

鉉

纂

應賢良方正能直言極諫科策

劉蕡

朕聞古先哲王之理也玄默無為端拱司契陶眩心以居簡疑日
 用於不宰立本以厚下推誠而建中繇是天人通陰陽和俗路仁
 壽物無疵癘噫盛德之所臻變乎其莫可及也三代令王質文迭
 救百偽滋熾風流寢微自漢而降足徵蓋寡朕顧惟昧道祗荷丕
 構奉若謨訓不敢荒寧任賢惕勵宵衣旰食詎追三五之遐軌庶
 紹祖宗之鴻緒而心有所未達行有所未孚由中及外闕政斯廣
 是以人不率化氣或壅厄災旱竟歲播殖愆時國廩罕蓄田之九年
 之儲吏道多端微三載之績京師為諸夏之本也將以觀理而豪
 猾踰檢太亨明教化之源也期於變風而生徒惰業列郡在乎頌
 條而干禁或未絕百工在乎按度而淫巧或未息浴隨風靡積訛
 成蠹其擇官濟理也聽人以言則枝葉難辨防下以禮則格恥不
 形其阜財發號也生之寡而食之衆煩於令而鮮於理思欲究此

謬蓋致之治平茲心浩氣若涉淵冰故前詔有司博延群彥佇啟宿憤異臻時雍子大夫皆識達古今旨在康濟造庭待問副朕虛懷必當咸治之闕辨政之疵明綱條之致素楮庶富之所急何術斯革乎前弊何澤斯惠乎下土何施而治古可近何道而和氣克充推之本源著於條對至若夷吾輕重之權孰輔於理嚴尤底定之策孰於於時元凱之考課何先叔子之克平何務推此龜鏡擇乎中庸期在冷聞朕將親覽

對褐衣小生沐浴齋戒伏於彤庭之內謹頓首上言皇帝陛下臣誠不佞有匡國致君之術無立而不得行有犯顏敢諫之心無路而不得達但懷憤抑鬱鬱有一時之發耳常欲與庶人議於市而賈論於市得通一聽一悟主心雖被妖言之罪無所悔焉況逢陛下以至德嗣興以大明垂照詢求過闕咨訪謇猷制詔中外舉能直言極諫者臣既辱斯舉專承大問敢不悉意以言至於上之所以思時之所禁權倖之所避諱有司之所與奪臣愚不識大體伏惟陛下少加優容不使聖朝有讜直而受戮者天下之幸也

之所望也謹昧死以對伏以聖策有思古先之理念玄默之化欲通天人以濟俗和陰陽以煦物見陛下慕道之深也臣以為哲王之理其則不遠惟陛下致之之道何如耳伏以聖策有荷土情而不敢充寧奉嘉訓而罔有怠忽見陛下憂勞之至也若夫任賢揚厲宵衣旰食宜黜左右之纖佞進股肱之大臣若夫追蹤三五紹復祖宗宜鑒前古之興亡明當時之成敗心有所未達以下情蔽而不得上通行有所未孚以上澤壅而不得下浹欲人之化也在脩己以先之欲氣之和也在遂性以導之救災旱在致乎精誠廣播殖在視乎食力國庖宰畜本乎冗食尚擊吏逾多端本乎選用失當豪猾踰檢由中外之法殊生徒惰業由學校之官廢列郡于禁由授任非人百工淫巧由制度不立伏以聖策有擇官濟理之勤阜財發號之歎見陛下教化之本也且進人以行即枝葉安有難辨乎防下以禮即格恥安有不形乎念生寡而食衆則可罷斥游惰念令煩而理鮮則在乎觀察行台博延群彥願陛下必納其言造庭待問則小臣安敢愛死伏以聖策有求賢箴闕之言審政辨

疵之令見陛下咨訪之心勤也遂小臣屏效豪之志則弊革于前
守陛下念康濟之方則惠幸于下邪正之道分而理古可近禮樂
之方著而和氣克充至若夷吾之法非皇王之權嚴尤所陳無最
上之策元凱之所先不若唐堯之考績叔子之所務不若虞舜之
舞干且俱非大德之中庸未可爲上聖之龜鏡又何足爲陛下道
之哉或有以繫安危之機兆存亡之變者臣請披瀝肝膽爲陛下
別白而重言之臣前所謂哲王之理其則不遠者在陛下慎思之
力行之始終不懈而已謹按春秋元者氣之始也春者歲之始也
春秋以元加於歲以春加於王明王者當奉若天道以謹其始也
又舉時以終歲舉月以終時春秋雖無事必書首月以存時明王
者當奉若天道以謹其終也王者動作終始必法於天者以其運
行不息也陛下既能謹其始又能謹其終懋而修之勤而行之則
可以執契而居簡無爲而不宰矣曩立本之大業崇建中之盛德
豈可遂歟安有二代循環之弊百偽滋熾之漸乎臣故曰惟陛下
致之道何如耳臣前所謂若夫任賢揚厲賞百衣印食宜黜左右

之纖何進股肱之大且實以陛下憂勞之至也臣聞不宜憂而憂
者國必哀宜憂而不憂者國必危今陛下不以國家存亡之計社
稷安危之策而降於清問臣不知陛下以布衣之臣不足以定大
計邪或萬機之勤而聖慮有所未至邪不然何宜憂而不憂者也
臣以爲陛下之所憂者宜憂宮闈將變社稷將危天下將傾四海
將亂此四者乃國家已然之兆故臣謂聖慮宜先及之夫帝業既
艱難而成之固不可容易而守之太祖兆其基高祖勤其績太宗
定其業玄宗繼其明至于陛下二百餘載其間聖明相因擾亂繼
作未有不委用賢士親近正人而能紹興其徽烈者矣或一日不
念則顛覆大器宗廟之取萬古爲恨臣謹按春秋人君之道在體
元以居正昔董仲舒爲漢武帝言之略矣其所未盡善者臣得爲
陛下備而論之夫繼故不書即位所以正其始也終必書所以正
其終也故爲君者所發必正言所履必正道所居必正位所近必
正人又按春秋閹寺殺吳子餘祭書其名春秋譏其疎遠賢士旺
近刑人有不君之道矣伏惟陛下思祖宗開國之勤念春秋繼故

之戒將明法度之端則發正言而復正道將杜莫秘之漸則居正位而近正人遠刀鋸之殘親骨鯁之直輔相得以專其任庶僚得以守其官柰何以軼近五六人惣天下之大政外專陛下之命內竊陛下之權威懾朝廷勢傾海內羣臣莫敢指其狀天子不得制其心禍檢蕭牆姦生帷幄巨忍曹節侯景復生於今日矣此宮闈之所以將變巨謹按春秋魯定公元年春王不言正月者春秋以爲先君不得正其終則後君不得正其始故曰定無正也今忠賢無腹心之寄閹寺專廢立之權陷先帝不得正其終致陛下不得正其始況皇儲未建郊祀未修將相之職不歸各分之宜不定此社稷所以危也巨謹按春秋王札子殺召伯毛伯春秋之義兩不相殺不書而此書者重其專王命也夫天之所授者在命君之所存者在正操其命而失之者是不君也侵其命而專之者是不臣也君不君臣不臣此天下所以將傾也謹按春秋晉趙鞅以晉陽之兵叛入于晉書其歸者以其能逐君側之惡人以安其君故春秋善之今威柄陵夷藩巨跋扈或有不達人臣之節首亂者以安君爲名不究春秋之微稱兵者以逐惡爲義則典刑不由乎天子征伐必自於諸侯此海內所以將亂也故樊噲排闥而雪涕袁盎當車以抗詞京房發憤而殞身竇武不顧而畢命此皆陛下明知之耳臣謹按春秋晉狐射姑殺陽處父書襄公殺之者以其君漏言襄公不能固陰重之機處父所以及戕賊之禍故春秋非之夫上漏其情則下莫敢盡意上洩其事則下莫敢盡言故傳有造膝詭詞之文易有失身害成之戒今公卿大臣非不欲爲陛下言之慮陛下忽而不用之陛下忽而不用必洩其言臣下旣言而不行必嬰其禍適足鉗直臣之口而重姦臣之威是以欲盡其言則有失身之懼欲盡其意則有害成之憂故低徊鬱塞以俟陛下感悟然後盡其啓沃耳陛下何不聽朝之餘時御便殿召當世賢相與舊德老臣訪持變扶危之謀求定衰救亂之術塞陰邪之路屏褻狎之臣制侵凌迫脅之心復明方掃除之役戒其所宜戒憂其所宜憂旣不得理於前當理於後旣不得正其始當正其終則可以虔奉典謨克承不構終任賢之効無肝食之憂臣則所謂若夫追

蹤三五經復祖宗宜變前古之興亡明當時之成敗若臣聞堯舜之爲君也而天下大治以其能任五官四岳十二牧不失其舉不貳其業不侵宜職居官惟其能左右惟其賢元凱在下雖微而必舉四凶在朝雖強而必誅考其安危明其取捨至秦二代漢之元成咸願措國如唐虞致身如堯舜而終敗亡者以其不見安危之機不知取捨之道不任大臣不辨姦人不親忠賢不遠讒佞伏惟陛下察唐虞之所以興而景行於前鑒秦漢之所以亡而戒懼於後陛下無謂廟堂無賢相庶官無賢士今綱紀未絕典刑猶在人誰不欲致身爲王臣致時爲昇平陛下何忽而不用之耳又有居官非其能左右非其賢其惡如四凶其詐如趙高其效如恭顯者陛下又何憚而不去之耶神器固有歸天命固有分祖廟固有靈忠臣固有心陛下其念之哉昔秦之亡也失於強暴漢之亡也失於微弱強暴則賊臣畏死而害上微弱則姦臣竊權而震主伏見敬宗皇帝不虞亡秦之禍不翦其萌伏惟陛下深軫亡漢之憂以杜其漸則祖宗之鴻緒可紹三五之遐軌可追矣臣則所謂陛下

心有所未達以下情塞而不能上通行有所未孚以上澤雍而不得下浹者且百姓有塗炭之苦陛下無由而知則陛下有子惠之心百姓無由而信臣謹按春秋書梁亡不書取者梁自亡也以其思慮昏而耳目塞上出惡政人爲寇盜皆不知其所以然以其自取滅亡也臣聞國君之所以尊者重其社稷也社稷之所以重者存其百姓也苟百姓之不存則雖社稷不得固其重苟社稷之不重則雖國君不得保其尊故治天下者不可不知百姓之情也百姓者陛下之赤子陛下宜命慈仁者親之育之如保傅焉如乳哺焉如師之教導焉故人之於上也敬之如神明愛之如父母今或不然陛下親近貴倖分曹補署建除率吏召致賓客因其貨財假其氣勢大者統藩方小者爲牧守居上無清惠之政而有饕餮之害居下無忠誠之節而有姦欺之罪故人之於上也畏之如豺狼惡之如仇讎今海內困窮麴麴流散飢者不得食寒者不得衣鰥寡孤獨者不得存老幼疾病者不得養加以國權兵柄專在左右貪臣聚斂以固寵姦臣因緣而弄法冤痛之聲上達乎九天下入

于九泉鬼神爲之怨怒陰陽爲之憊錯君門九重而不得告訴士人無所歸化百姓無所歸命官亂人貧盜賊並起土崩之勢憂在朝夕即不幸因之以師旅繼之以凶荒臣恐陳勝吳廣不獨起於秦赤眉黃巾不獨生於漢故臣所以爲陛下發憤扼腕痛心泣血耳如此則百姓有塗炭之苦陛下何由而知之陛下有子惠之心百姓安得而信之致使陛下行有所未孚心有所未達固其然也臣聞昔漢元帝即位之初更制七十餘事其心甚誠其稱甚美然而綱紀日紊國祚日衰姦宄日強黎元日困者以其不能擇賢明而任之失其操柄也自陛下御寓憂勤北庶屢降德音四海之內莫不抗首而長息自喜復生於死亡之中伏惟陛下慎終如始以塞萬方之望誠宜揭國權以歸其相持兵柄以歸其將去負臣聚斂之政除姦吏因緣之害唯忠賢是近唯正直是任內寵便辟無所聽焉選清慎之官擇仁惠之長敏之以利煦之以和教之以孝慈導之以德義去耳目之塞通天下之情俾萬國歡康非民蘇息則心無所不達行無所不孚矣臣前所謂欲人之化也在修己以

先之者自聞德以修己教以導人修己也則人不勸而自至導人也則人敦行而率從是以君子欲政之必行也故以身先之欲人之從化也故以道御之今陛下先之以身而政未必行御之以道而人未從化豈不以立教之旨未盡其方耶夫立教之方在乎君以明制之臣以忠行之君以知人爲明臣以匡時爲忠知人則任賢而去邪匡時則固本而守法賢不用則重賞不足以勸善邪不去則嚴刑不足以禁非本不固則民流法不守則政散而欲教之必至化之必行不可得也陛下能斥姦邪不私其左右舉賢正不遺其疎遠則化浹於朝廷矣勸人以敦本分職而奉法修其身以及其人始於中而成於外則化行於天下矣臣前所謂欲氣之和也在遂性以道導之者當納人於仁壽也夫欲人之仁壽也在乎立制度修教化夫制度立則財用省財用省則賦斂輕賦斂輕則人富矣教化修則爭競息爭競息則刑罰清刑罰清則人安矣既富矣則仁義興焉既安矣則壽考生焉仁壽之心感於下和平之氣應於上故災害不生休祥荐臻四方底寧萬姓咸遂臣前所謂救

災旱在致乎精誠者臣謹按春秋魯僖公一年之中三書不雨者以其人君有恤人之志也魯文公二年之中一書不雨者以其人君無憫人之心也故僖致精誠而旱不害物文無憫恤而變則成災陛下誠能有恤人之心則無成災之變矣臣前所謂廣播殖在視乎食力者臣謹按春秋君人者必時視人之所勤人勤於力則功築罕人勤於財則貢賦少人勤於食則百事廢今財食與人力皆勤矣願陛下廢百事之用以廣三時之務則播殖不愆矣臣前所謂國厲季蓄本乎亢食尚繁者臣謹按春秋臧孫辰告糴于齊春秋譏其無九年之蓄一年不登而百姓饑臣願斥游墮之徒以篤其耕植省不急之費以贍其飢元則廩蓄不乏矣臣前所謂吏道多端本乎選用失當者由國家取人不盡其才用人不明其要故也今陛下之用人也求其聲而不求其實故人之趨進也務其末而不務其本臣願考課績之實定遷序之制則多端之吏道息矣臣前所謂豪猾踰檢由中外之法殊者以其官禁不一也臣謹按春秋齊桓公盟諸侯不書日而葵立之盟將以日者美其能宣

明天子之禁率奉王官之法故春秋備而書之故夫官者五帝三皇之所建也法者高祖太宗之所制也法宜畫一官宜正名今又分外官中官之員立南司北司之局或犯禁於南則亡命於北或正刑於內則破律於外法出多門人無所措實由兵農勢異由外法殊也臣聞古者因井田而制軍賦間農事以修武備提封約卒乘之數命將在公卿之列故兵農一致而文武同方可以保人邦家式遏亂略洎太宗皇帝肇建邦典亦致府兵自臺軍衛文武參掌居閑歲則麋弓力穡將有事則釋耒荷戈所以修復古制不廢舊物今則不然夏官不知兵籍止於奉朝請大將不主兵事止於養勲封今軍容合中宮之政戎律附內臣之職首戴武弁嫉文吏如仇雖足蹈軍門視農天如草芥謀不足以前除兇逆而詐足以抑揚威福勇不足以鎮衛社稷而暴足以侵軼里閭羈紲藩臣干凌宰輔隨列裂王度汨亂朝經張武夫之威上以制君父假天子之命下以御英豪有藏茲觀豐之心無仗節死難之義豈先王經文緯武之首邪臣願陛下貫文武之道均兵農之功正貴賤之名一

中外之法還軍衛之職修省署之官近崇貞觀之規遠復成周之制自邦畿以刑于下國始天子而達于諸侯則可以制豪猾之強無踰檢之患矣臣前所謂生徒惰業由學校之官廢者蓋以國家貴其祿而賤其能先其事而後其行故庶官乏通經之學諸生無進業之心矣臣前所謂列郡下禁由授任非其人者臣以為刺史之任理亂之根本繫焉朝廷之法制在焉權可以抑豪猾恩可以惠孤寡強可以禦姦寇政可以移風俗其將校有曾經戰陣及功臣子弟各請隨宜酬賞無理人之術者不當授此官則絕下禁之患矣臣前所謂百工淫巧由制度不立者請以官位爵祿制其器用車服禁人金銀珠玉錦繡彫鏤不蓄於私家則無蕩心之巧矣臣前所謂辨技者在考言而詢行也臣前所謂形格取者在道德而齊禮也臣前所謂念生寡之食衆司罷斥惰游者已備於前矣臣前所謂令煩而理鮮要察其行否者臣聞號令理國之具也君審而出之臣奉而行之或虧益止留罪在不赦今陛下令數索而理鮮要得非持之者有所蔽欺乎臣前所謂博延群彥願陛下必

納其言造庭待問則小臣豈敢愛死者臣聞晁錯為漢書前諸侯之策非不知禍之將至矣忠臣之心壯夫之節苟利社稷死無悔焉臣今非不知言發而禍應計行而身戮蓋所以痛社稷之危哀生人之困豈忍姑息於時忘竊陛下一命之寵哉昔龍逢死而啓殷比干死而啓周韓非死而啓漢陳蕃死而啓魏今臣之來也有司或不敢薦臣之言陛下又無以察臣之心退必受戮於權臣之手臣幸得從四子遊於地下固臣之願也所不知殺臣者臣死之後將孰為啓之哉至於人主之闕政教之疵前日之弊臣既言之矣若乃流下土之惠條近古之理致其和平者在陛下行之而已然上之所陳者實以臣親承聖問敢不條對雖臣之愚以為未極教化之大端皇王之要道伏惟陛下事天地以教人敬奉宗廟以教人孝養高年以教人悌育百姓以教人慈調元氣以煦育窮太和於仁壽可以逍遙而無為垂拱而成化至若念陶鈞之道在擇宰相而任之使權造物之柄念保定之功在擇將帥而任之使修分闡之寄念百度之未貞在擇庶官而任之使專職業之守念百

姓之愁痛在擇長吏而任之使明惠養之術自然足為天下教
動足為天下法仁足以勸善義足以禁非又何必宵衣旰食勞神
惕慮然後致其理哉謹對

文粹卷第三十下

文粹卷第三十一

文甲摠二十三首

吳興姚

鉉

纂

踐祀

唐高祖神堯皇帝受禪告南郊文

唐玄宗明皇帝受禪告南郊文

唐冊玄宗明皇帝文

唐冊肅宗宣皇帝文

封禪

唐高宗天皇大帝封禪文

唐玄宗明皇帝封太山玉牒文

祝壽

唐德宗神武皇帝降誕日獻祝壽詩文

告謝

唐德宗神武皇帝平朱泚後告謝昊天上帝文

徽號

唐武宗昭肅皇帝會昌二年上尊號玉冊文

唐武宗昭肅皇帝會昌五年上尊號玉冊文

肆赦

唐德宗神武皇帝奉天改年大赦文

戒勵

唐穆宗文惠皇帝戒勵風俗德音文

慈死

唐德宗神武皇帝賜李納田悅王武俊鐵券文

唐高祖神堯皇帝受禪告南郊文

維有隋義寧二年五月乙巳朔二十日甲子皇帝臣某敢昭告于

昊天上帝伏以生人以來樹之司牧眷命所矚謂之大寶曆數
弗在罔或偷安故舜禹至公揖讓而興虞夏湯武兼濟干戈以定
殷周事乃殊途功成一致後之創業咸取則焉臣恭承家慶世祿
降及曰祖曰考累功累德賜履參墟建侯唐社地居戚里門號公
宮丕緒隆基足爲榮矣但有隋爽德屬厭良大業饑饉師旅民胥怨
咨謫見咎微昭于玄鑿垂備聞卑聽所不忍言臣恭守晉陽馳心魏
闕被首濡足拯溺救焚大舉義兵式寧區宇徵要荒之辮髮輯北
庶之離心誓以捐軀救茲人命捐陳喪亂期之又安有功繼世無
希九五惟身與子竭誠盡力率先鋒鏑誓以無貳載蒙弘誘克濟
艱難電掃風驅廓清大邑傳檄而定岷峨拱手而平關隴西戎即
叙東夷底定非啓非贊孰能茲速尊位世嫡翊奉宗隋戮力輔政
無虧臣節值鼎祚云華天祿告移謳謗獄訟聿來唐印人符神瑞
輻湊微躬遠近宅心華夷請命少帝知期運已去大命有適遜位
而禪若隋之初讓德不嗣羣臣逼請今六宗之祀七政未齊罪有
所歸恐當天譴請因吉日設壇告類祇畏上帝惠茲下民異子謀

孫用敢愆德則小則大無或無違對越鴻休伏深慙懼謹遣太尉
其用薦君之禮瑞冊蒼壽香其明菜嘉蔬禋祀于皇皇后帝明靈
降享仍改義寧二年曰武德元年大赦天下

唐玄宗明皇帝受禪告南郊文

皇帝臣某敢以玄牡昭告于皇皇上帝上皇獸理萬機疑情太古
釋茲重負與道優游宇宙不可以無君宗社不可以無主恭惟睿
數猥當虛薄懼忝帝位固辭不免遂膺大禮以馭下人敬擇元日
告類上帝惟神敷祐四海永綏天極

唐冊玄宗明皇帝文

賈曾

朕以寡昧虔奉鴻休本殊王季之賢早達延州之節昔者聖曆已
讓皇嗣之尊暨至神龍終辭大弟之授豈惟衣冠所觀抑以兆庶
咸知頃屬國步未夷時艱主幼大業有綴旒之懼寶位深墜地之
憂議道公卿遂司契象日慎一日以至于今一紀之勞勤亦至矣
萬邦之俗化漸行矣將成夙願脫袞裳區昔堯之禪舜惟能是與
舜以命禹匪私其親神器之重允歸公授皇太子其有大功於天

地定帖危於社稷温文既習聖敬日躋委之監撫已移年歲時政
益明庶工惟序朕之知子庶不負時曆數在躬宜陟元后可令即
皇帝位有司擇日授冊朕方比跡洪古希風大皇神與化遊思與
道合無為無事豈不美歟王公百寮宜識朕意

唐冊肅宗宣皇帝文

賈至

維天寶十五載歲次丙申月戊子朔二十一日戊申太上皇若曰
咨爾元子其惟天為大惟人君則之順乃德故舜禹揖讓而後皇
極涕乃道故丹朱商均不能保鴻業是以啓有惠迪而真嗣焉隋
有亂紀而唐受焉五聖之御寓皆以勤儉兢業日慎一日故能享
祚長久垂慶無窮洎于六葉恭位四海賦于勤倦緬慕汾陽將保
靜頤神思我烈祖玄元之道是用命爾元子當世嗣統於戲爾有
忠孝之誠極于君父爾有友愛之義信于兄弟爾有仁恕之行通
于神明爾有戡難之才彰于兆庶予懋乃懿德嘉乃神武天之曆
數在爾躬汝惟推誠禍亂將興爾永清汝惟從諫宗社將冀爾復
寧佞言惟疵直言惟師任賢勿貳去邪勿疑民非后孰洽后非賢

固與守邦欽哉慎乃有位無忝我祖宗之丕烈矣

唐高宗天皇大帝封禪文

侯喜

嗣天子臣某敢昭告于昊天上帝有隋運屬顛危數窮否塞生
靈塗炭鼎祚淪亡高祖仗黃鉞而救黎元錫玄圭而拯沉溺太宗
功宏鍊石定區宇於再麾業壯斷鼉飲滄海而一息臣忝奉餘緒
恭承積慶遂得岷山寢燎炎海澄波雖乃業茂宗祧斯實降靈穹
昊今謹告成東嶽歸功上玄大寶克隆鴻基永固凝薰萬姓陶
化八紘

唐玄宗明皇帝封太山玉牒文

侯喜

有啓嗣天子臣某敢昭告于昊天上帝天啓李氏運興土德高祖
太宗受命立極高宗升中六合殷盛中宗紹復繼體不定上帝眷
祐錫臣忠武底綏內難推戴聖父恭承大寶十有三年欽若天意
四海晏然封祀岱嶽謝成于天子孫百祿蒼生受福

唐德宗神武皇帝降誕節獻壽文

侯喜

維孟夏十四日天降皇帝之辰羣臣感覆壽之恩朝明庭而獻萬

壽者外盡四海固有不時臣亦幸在京師無因緣以陪進竊自
思念其感恩受賜與君幸臣無異徒以其身之卑賤至願莫伸如瘖
者欲言覺定者欲趨乃作降誕日獻壽文一篇恭置于康莊之衢其
辭曰

未有文兮則有彼天千變萬化兮道無常全高明運轉兮與人下
焉聖人法象兮則栢永年自我自度兮祗畏乾乾天受降福兮與
人下焉臣今敢獻壽如天博厚配天兮其誰則地含容光大兮無
與二山澤藏寶兮富有無既聖人體順兮不愛其利自我自誠兮靡
其他至地道不測兮生物咸遂臣今敢獻富如地日出輝輝兮風來
薰薰甘露露霖兮卿雲氛氲民曰五星兮生乎今辰愛我則君
何以慶兮無稱其恩榮華富貴兮子孫孫臣敢獻福兮如所聞
唐德宗神武皇帝平朱泚後告謝昊天上帝祝冊文 陸贄

維貞元元年云云嗣天子臣敢昭告于昊天上帝願惟寡昧不克
明道不膺眷命俾作神主常恐獲戾上帝橫災下民兢兢業業夙
夜祗畏居位五紀德馨蕙蘭皇靈不歆是用大儆殷憂播蕩踰歷
三時誠懼烈祖之耿光墜而不耀側身思咎庶補將來上帝顧懷
誘衷悔禍勦兇慝之凌暴靈神人之憤恥舊物不改臣心載新茲
乃九朝遺休兆人介福以臣之責其何解焉間屬寇虐久稽告
謝今近郊甫定長至在辰謹以玉帛犧齊塗盛庶品異憑禋燎式
薦至誠太祖景皇帝配神作主尚饗

唐武宗昭肅皇帝會昌二年上尊號玉冊文 李德裕

維會昌二年歲次壬戌四月乙丑朔十四日戊寅攝太尉光祿大
夫守司空兼門下侍郎同中書門下平章事臣德裕銀青光祿大
夫守尚書左僕射兼中書侍郎同中書門下平章事臣珙銀青光
祿大夫守中書侍郎同中書門下平章事臣李紳及文武百官金
紫光祿大夫檢校司徒兼太子太保臣僧孺等六千五百七十四
人言臣聞義皇首太古之號成湯顯神武之稱我高祖皇于是憲
尊名若古貽厥丕訓為孝孫之法豈不善始善述哉矧乃巨唐受
命繼體承業理運將至大君以興穹昊所以開至聖也曩者明兩
未定帝華不協拾胤傳聖深惟至公先后所以昭天命也亦猶堯

發於唐侯文興於代邸神明之祚不其難哉伏惟皇帝陛下清明
傳鬯光耿四海玄德貞隣天休大賚日角見表氣志如神爰初定
命正心理物如辰居其極而天下無邪矣由是昭德塞違尊賢遠
佞禹不自滿成不自康罔盤于田不邇于色自閨壺以施王教由
家道而刑國風去比周敷名實聳權綱擇聖德修舊典協誠質
嘉壇款太一進正臣以端治表禮故老以求謹言遠無蔽獄近無
留命析玄祖而膏雨降祀靈岳而嘉穀登省刑罰而蓬勃消發倉
廩而冬蠹蠲息去歲龍旂承祀大輅親郊捧玉瓚而一獻光靈來格
振金石而六變魄寶昭臨然猶古訓是學緝熙于道天文炳煥雲
漢其章溫恭敬遜承大任之教和樂愷悌洽戚藩之心德風偃于
群黎威靈動乎絕域又以敬食不逮於長樂昭配未升於禰宮每
懷嗣徽蒸蒸而慕所以奉若慈訓對越兩儀因心立制永錫其教
寬度劉之罪興惻隱之仁迴霜以電為之反禾及單于慕義景附
朔邊耀德戢兵謙臨是受至於備文物展國容莫不先甲而布甘
澤丁辰而廓陰翳和景晏溫御靈謁罔繻斯所謂神祇之心應矣天
人之際交矣於是服冕之士戴鷩之倫暨藩衛邦伯黃髮

謀而進曰陛下玄默天晬輝光日新大矣孝熙四極爰臻誠宜下
版溫潤鑿鴻明之德神寶焜耀薦萬斯之年不惟大典不可辭
也陛下猶謙退固拒至于三四君羊臣不已乃曰俞哉夫編履包含
之謂仁極深研幾之謂聖憲度著明之謂文靈夷震懼之謂武感
而遂通之謂神無思不服之謂孝臣等不勝大願謹奉玉寶上尊
號曰仁聖文武至神大孝皇帝伏惟陛下乾健不息謙尊而光樂
戒其耽禽戒其荒壽乃侔於殷宗裕乃厚於成康貽燕後世受福
無疆臣德裕等誠歡誠躍頓首謹言

唐武宗昭肅皇帝會昌五年上尊號玉冊文 李德裕

維會昌五年歲次乙丑正月己酉朔一日己酉光祿大夫守太尉
兼門下侍郎同中書門下平章事臣德裕光祿大夫守尚書左僕
射兼門下侍郎同中書門下平章事臣宗朝議大夫檢校尚書右
僕射兼中書門下平章事臣李讓夷朝議大夫守中書侍郎兼戶
部尚書同中書門下平章事臣崔鉉及文武百官太中大夫太常

卿臣孫簡等六千二百二人言臣聞在昔周宣僉仇內侵四牡薄
伐以定王國則詩人大其功暨于漢宣北夷乖亂呼韓慕義郵
遠道則簡管著其美惟此二代稱為中興間者開成之末星亨如
雲頌飛蔽天光帝感之黎人懼焉乃授至聖遺大設艱迄茲成功
厥有真數伏惟仁聖文武至神大孝皇帝表應龍翼粹合乾剛神
全而正氣疑宇定而天光發智燭千里動必察微心鏡萬機物來
斯應於是五材用四維張建中和之極綴前聖之綱重樞機修法
制刑御家之理無出壺之言銷讒邪遠巧佞斥背公之黨退好徑
之人內嚴體貌增堂陛之峻外絕締交去輔車之勢古所謂受命
於天惟舜獨也已又曰一心定而萬物服唯陛下得之曩者北狄
矜功耗蠹中國種類磐牙根柢封殖異術肺附縞衣如荼挾邪作
蠱浸淫守內倒懸不解百有餘年既而龍祠埤滅携國款塞質帝
女滅海疆有狼顧平城之心鯨吞咸洛之志爰命梟將塞旗刈旃
兵塵堯弓盧山烈荆榛颺劉幟碎輶輓六幕遊逃貴女生還刻滅
迹勦除醜類故名王結髮冠帶入臣取首比稽首觀譯來獻而又

臣放命二紀陸梁據泰山之固下窺洛邑通致絳之道旁昵近關
樹其遺孽以竊兵柄議者僉曰精甲十萬積穀十年泉魚不察湯
網宜懸陛下雄斷霆聲群疑冰釋揚清風而掃雲鼓迅雷以破山
任馮異則拔天井而震上黨仗吳漢則發突騎而傾邯鄲壺關失
險山東奪魄屬有戎邊叛將竊發參墟人心搖蕩異議肆陛下
臨朝而言曰二寇獲罪于天子所不捨未三旬而定晉陽纔期年
而滅路子不以金購稀將多降不勞師克粵首馳報非至德感物
孰能臻於此乎由是台宰百辟藩屏將帥上言曰成伐東夷而肅
慎來賀景前討七國而王室乃安莫不始於武功終致刑措將以禪
上帝薦祖宗宜受鴻名以答玄貺陛下猶謙遜而五讓之勤勤罔
已乃屈已以喻之雲漢為章所以昭法度也神明其德所以成教
化也巍巍乎有功帝堯之則也勤于大道玄祖之訓也臣等不勝
大願謹奉玉冊玉寶上尊號曰仁聖文武章夫成功神德明道大
孝皇帝伏惟陛下不有其名以保其成不德其功以戒其盈享遐
宗之福致周道之平配我王度永振金聲臣德洽等誠歡誠躍頓

首頓首謹言

唐德宗神武皇帝奉天改年大赦文

陸贄

門下致理興化必在推誠忘已濟人不悛改過朕嗣服丕構君臨萬邦失守宗祧越在草莽不念率德誠莫追於既往永言愍咎期有復於將來明徵厥初以示天下惟我烈祖薄德庇人致俗化於和平拯生靈於塗炭重熙積慶垂二百年伊爾卿尹庶官洎億兆之衆代受亭育以迄于今功存子人澤及於後肆予小子獲續鴻業懼德不嗣罔敢怠荒然以長於深宮之中暗於經國之務積習易溺居安忘危不知稼穡之艱難不察征伐之勞苦澤靡下究情不上通事既壅隔人情疑阻猶昧省已遂使興戈徵師四方轉運千里賦車籍馬遠近騷然行齋居送衆庶勞止或一日屢交鋒刃或連年不解甲冑祝奠乏王室家靡依死生流離怨氣凝結力役不息田萊多荒是命峻於誅求疲吐空於行軸轉於溝壑離去則閭邑里丘墟人煙斷絕天譴於上而朕不寤人愁於下而朕不知馴致亂階變興都邑賊臣乘輿肆逆滔天曾莫愧畏敢行凌逼焉

品失序九廟震驚上辱於祖宗下負於黎庶痛心醜貌罪實在余永言愧悼若墜淵谷賴夫天地降祐人神叶謀將相竭誠爪牙宣力屏除大盜載張皇維將弘永圖必希新命朕晨興夕惕唯念前非乃者公卿百僚累抗章疏擬以徽號加于朕躬固辭不獲俯遂輿論昨因循省良用矍然體陰陽不測之謂神與天地合德之謂聖顧惟淺昧非所宜當文者所以化成武者所以定亂今化之不被亂是用興豈可更徇羣情苟應虛美重三才德祇益懷慙自今已後中外所上書奏不得更稱聖神文武之號夫人情不常繫於時化大道既隱亂獄滋豐朕既不能弘德導人又不能一法齊衆苟設密網以罪非辜為之父母實增愧悼今上元統曆獻歲發生宜革紀年之號式敷在宥之澤與人更始用答天休可大赦天下改建中五年為興元元年自正月一日昧爽已前大辟罪已下罪無輕重咸赦除之李希烈田悅王武俊李納等有以忠勞任膺月將相有以勳舊繼守藩維朕撫馭乖方信誠靡著致令疑懼不自保安兵興累年海內搔擾皆由上失其道民罹其災朕實不君人則

何罪至已弘物予何愛焉庶懷引領之誠以廣好生之德其李希烈田悅王武俊李納及所管將士官吏等一切並與洗滌各復爵位待之如初仍即遣使分道宣諭朱滔雖與賊泚連坐路遠未必同謀朕方推至誠務欲弘貸如能效順亦與惟新其河南河北諸軍兵馬並宜各於本道自固封疆勿相侵軼朱泚大為不道棄義蔑恩反易天常盜竊名器暴犯陵寢所不忍言獲罪祖宗朕不敢赦其應被朱泚脅從將士官吏百姓及諸色人等有遭其扇誘有迫以兇威苟能自新理可矜宥但官軍未到京城已前能去逆効順及散歸本道者並從赦例原免一切不問天下左降官即與量移近處已量移者更與量移流人配隸及罰錮效力并緣罪犯與諸使驅使兼別赦於諸州縣安置及得罪人家口未許歸者一切放還庶先有痕累禁錮反逆緣坐承前恩赦所不說者並宜洗雪亡官失爵放歸勿齒者量加叙入之行義或未必兼構大厦者方集於羣材建奇功者不限於常檢苟在適用則無棄人况黜免之徒沉鬱頗久朝過夕用勿拘常例諸軍諸道赴奉天及進收京城將士等或百戰摧敵或萬里勤王扞固金城驅除大憝赴危難者其節著復社稷者其業崇我圖爾功特加彝典錫名疇賦永永無窮宜並賜名奉天定難功臣身有過犯遞減罪三等子孫有過遞減罪二等當戶應有老科使役一切蠲免其功臣已後雖衰老疾患不任軍旅當分糧賜並宜全給身死之後十年仍迴給家口其有食實封者子孫相繼代代無絕其餘叙錄及功賞條件待收京日並准去年十月七日十一月十四日敕處分諸道諸軍將士等久勤扞禦累著功勳方鎮克寧惟爾之力其應在行營者並超三資與官仍賜勳五轉不離鎮者依資與官賜勳三轉其累加勳許迴授周親内外文武官三品已上賜爵一級四品已下各加一階仍並賜勳兩轉見危致命先哲攸貴掩骼埋齒禮經所先雖效用而或殊在惻隱而何間諸道兵士有死王事者各委所在州縣急遞送歸本管官為葬祭其有因戰陣殺戮及擒獲伏辜暴骨鄉原者並委所在逐近便收葬應緣流貶及犯罪未葬者並許其家各據本官品以禮收葬自頃軍旅所給賦役繁興吏因為姦人不

堪命咨嗟怨苦道路無聊乞可小康與之休息其墊陌及稅間架
竹木茶漆推鐵等諸色名目悉宜停罷京畿之內屬此役戎攻劫
焚燒靡有寧室王師仰給人以重勞特宜減放今年夏稅之半朕
以兇醜犯闕遽用于征爰度近郊息駕茲邑供儲克辦師旅攸寧
式當褒旌以志吾過其奉天且昇為赤縣百姓並給復五年尚德
者教化之所先求賢者邦家之大本永言茲道夢想增懷而澆薄
之風趨競不息幽棲之士寂寞無聞蓋誠所未孚故求之不至天
下有隱居行義才德高遠晦蹤丘園不求聞達者委所在長吏具
名聞奏當備禮邀致諸色人中有賢良方正直言極諫及博通墳
典達於教化并識洞韜略堪任將帥者委常參官及所在長吏聞
薦天下孤老鰥寡惇獨不能自活者並委州縣長吏量事優卹其
有年九十已上者刺史縣令就門存問義夫節婦孝子順孫旌表
門閭終身勿事大兵之後內外耗竭貶食省用宜自朕躬朕當節
乘輿之服御絕宮室之華飾率已師儉為天下先諸貢獻自非供
宗廟軍國之用一切並停應內外官有冗員及百司不急之資委
中書非下即商議條件停減奏聞布澤行賞抑惟舊章今之餘
未平帑藏空竭有乖慶賜深愧于懷赦書有所未該者所可類例
條件聞奏

唐穆宗文惠皇帝戒勸風俗德音文

示稹

敕朕聞昔者卿大夫相與讓於朝士庶人相與讓於齒周成王刑
措不用漢文帝恥言人過真理古也朕其慕焉中代以還爭端斯
起掩抑其言則專蔽誘掖其說則欺誣自非責實循名不能敦善
釋惡故孝宣必有敢告乃下光武不以詭辭遠行語稱訕上之非
律有匿名之禁皆所以防三至之毀重兩造之明是以爵人於朝
則皆勸刑人於市則皆懼罪有歸而賞有事也未俗偷巧內在外
剛卿大夫無進思盡忠之誠多退有後言之謗士庶人無切磋琢
磨之益多銷鑠浸潤之讒進則諛言諂笑以相求退則羣居狎處
以相議留中不出之請益發其陰私公論不容之詞實生於朋黨
擢一官則曰恩皆自我黜一職則曰事出他門比周之跡已彰尚
今分持由徑之從盡露自謂貞方居省寺者不能以勤恪莅官而

巨務求簡易提紀綱者不能以準繩檢下而曰密奏風聞獻章疏者更相是非備顧問者互有憎愛苟非秦鏡照膽堯羊觸邪時君聽之安可不惑參斷一謬俗化盡訛禍發齒牙言生枝葉率是道也朕甚憫焉我國家貞觀開元同符三代風俗歸厚禮讓並行兵興已來人散久矣姑欲導之以德不欲驅之以刑然而信或未孚理有未至曾無恥格益用彫刑小則綜覈之權見侵於下輩大則機密之重旁撓於薄徒尚念因而化之亦既去其尤者而宰臣等懼其浸染未克澄清備引祖宗之書願垂戒勵之詔遂申教告頗用殷勤各當自省厥躬與我同底于道凡百多士宜體朕懷

唐德宗神武皇帝賜李納田悅王武俊鐵券文 陸贄

維興元元年歲次甲子正月癸酉朔二日甲戌皇帝咨爾具官某嗚呼君者所以撫人失於所撫則叛下者所以奉上珥於所奉則刑各當其理德用不擾各違其分亂於是生朕德薄化淺昧於君道罔知省己姑務善人是以徵師徂征連歲靡息惟爾以誠士之不達反仄于厥衷阻衆興戎結疊拓野豈非上失其所撫而下

所奉歟書曰萬方有罪罪在朕躬我實不德兆民非各俾廢其業離其室家陷於困窮死於戰陣老病失養孤嫠靡依怨結叢憂感傷和氣朕為人父母得不愧於心哉晨興以思夕惕以悼粵自嗣位迄今六年天將悔禍朕方覺悟爾亦知之衆心厭亂思以保安叶於朕懷若膺符契非天地合德人神合謀將茂育羣生則何以臻此朕是用上順天意俯從人心滌爾疵瑕復爾爵位坦然靡阻君臣如初功載鼎彝彝彝各藏王府子孫代代為國勳臣河山帶礪傳祚無絕朕方布大信承天子人若食其言何以享國於戲其祗若明命用保無疆之休

文粹卷第三十二下

文乙 摠二十三首

吳興姚

鉉

纂系

帝王謚

唐中宗孝和皇帝謚冊文

唐德宗神武皇帝謚冊文

帝王哀

唐高祖神堯皇帝哀冊文

唐太宗文武皇帝哀冊文

唐中宗孝和皇帝哀冊文

唐睿宗玄真皇帝哀冊文

唐玄宗明皇帝哀冊文

唐憲宗章武皇帝哀冊文

后妃謚

唐順宗莊憲皇后謚冊文

唐懿宗元昭皇太后謚冊文

后妃

唐太宗文德皇后哀冊文

唐高宗則天皇后哀冊文

哀冊

唐德宗貞懿皇后哀冊文

唐中宗孝和皇帝謚冊文

蘇頲

維景雲元年歲次庚戌十月戊寅朔十三日庚寅攝太尉銀青光祿大夫守戶部尚書上柱國宣城郡開國公臣蘇頲等上議曰臣聞聖人極天下之曠以象其物宜成天下之文以察其時變加於百姓之謂德形於四方之謂風德也者動於神明風也者由於教化原始見則名合道先知終存義迹因行表其來尚矣伏惟大行

應天神龍皇帝續武之命允文之基肇承於宥密以至乎緝熙若
乃含青雲之符燿赤光之瑞履順而一夷險安貞而再潛躍由是
恭于三朝服茲四罪後予之始祀夏而無改舊物若帝之初遷周
而有雁新命虔正夫蒸蒸之思愛於文母豫太帝度度之占友於
王季既而三年諒闇九族敦叙免喪問道穆乎天子之容退朝藏
密怡若家人之禮功收其成不以微刑濟其實不以大譴詞所不
悼讒說所不入約躬而厚物盡下以推人翔翔乎儒雅之林經啓
於文章之圃不傷麀耳不天卉木體仁也行於蠻貊既置於陪臺施
惠也酌中衢之樽不竭也陳太廟之器不盈也故能百寶用四靈
臻嘉禾神芝日獻于府柔遠格懷荒至名駒巨象歲填于牧方浮
厚陵之露華感而通夢遂揚昊壇之煙燎嚴以配尊然後心遊絕
冥神寄愷樂在雲臺之上希夷於真諦之門追汾水之陽縹緲乎
列仙之館豈圖變生氛沍凶溝渠自極歎憑三以大斬顧遺弓而止
僊所以由夏攀援人神哀戚龍嶺既啟鳥耘逾慕禮撤三獻北極
凶山之名法崇二言南有至六之三謹謹按法慈惠愛物博施備

物皆曰孝安人緝衆推賢具讓能皆曰和夫孝以安親和以安人是
則憲先王之典暮垂後裔之光烈者蓋天之所稱矣請上尊謚曰
孝和皇帝廟曰中宗謹上

唐德宗神武皇帝謚冊文

權德輿

維永貞元年歲次乙酉月朔日孝孫嗣皇帝臣某伏惟大行自皇帝
德合天地作人父母尊承光明建用皇極昔在寶曆制天下賦輿
威藩以六自魯疏雍師律既貞會陝收洛克輝威命廓開王塗普是
登上嗣乃宅不后服藝祖神宗之大列有乾乾真真三至敬敷佑
迎哲尊嚴恭燭明四極發育萬類濯沐乎仁澤澄清乎理本巍
巍乎建中風聲與貞觀同符洎時有履冷變生京輟省方展義弘
陰隲之功整旅致誅申震燿之令氛祲滅息侯王軌道不冒持載
鏡清砥平然後明裡述祀萬靈以接翕受敷施九德咸事含弘亭
毒以致其和博采虛受以通其志政刑有箴辰辰有銘煥乎文明
之化成也因時創節象卦設樂薰然中和之被物也納嘉言於近
侍撥已行之詔疾讒說口於宵人有過失之罪去微號而約已正廟

祀以尊祖九譯通道萬方來庭賓旅焯乎勳籍夷歌陳於樂府
霜露所降生章書大同順氣勞達天休滋至愛齊輪困德水清激三
辰秉陽以昏耀百嘉麗地而交感飛走呈祥肖龜遂任在宥天下
二十有七年大文思光被陶唐之盛也惜但志和唐帝之教也禮
膺豐稔同文之業也聰明神武漢祖之列也窮古先之大律極帝
者之上儀方將苞升崇立待檢王謀奄遺天命永棄萬方億兆敷
嗷哀號庶不訴顧惟冲昧懼太孫謀君父有命付茲神器度恭貽訓
感慕滋深今因山既建同軌畢至一二元老宗工碩生考稱天之
禮稽節惠之法式遵古義敢薦大名謹遣太尉某謹奉冊上尊謚
曰神武孝文皇帝廟曰德宗伏惟聖靈昭格膺具是典禮幽贊不祉
流於無窮嗚呼哀哉

唐高祖神堯皇帝哀冊文

唐天世南

維貞觀五年太歲云云即以明年某月日遷座于獻陵禮也玄覽
載籍述聽皇主立德可父應運斯昌天其崇崇帝系滋長虹暉降
祉具采日主祥總德朱徽熊軾龍常切許禎符誕生睿聖彤雲晝聚

黃星交映舒卷潛躍深道性地載天臨日暉川結麻共試岳岳風
移俗正火德云謝羣龍戰野出不耀旗王良策馬拔山噎日滔天
泯夏蕩拒勅示元昭危宗社提劍劍業拔鉞專征風驅雲動海運天
行伐謀上略制勝神兵尊王踐土後帝夷庚職惟上相任隆群辟
六階已平四門咸騰殊物顯命澤章典無錫重介珪禮優乘石煙
霞改色鑄管籥音觀國受命負辰君臨仁宥動植化感飛沉啟輅
周冕禹迹竟心削觚反撲抵壁藏金商俗未改遺氛阻亂沙塞度
劉伊漚叛換應靈奮動乘機電斷十角雲消三川冰泮漸以文教
致諸王道制禮和樂尊儒養老之裏鳳樓梧丹魚在藻水浮玄貝
階築朱草威如海外澤被區中要荒合軌鞮羯遐通沒羽沉浪飛
輪駕風卷言釋負有懷高謝脩爾樂陽香同姑射趨詩禮以承天
稟義方以成化率膺景福方期永年玉几奄及金勝遂忿絕五日
之晨省遽于齒而上僊攀惟友以孺莫抱劍鳥以纏綿嗚呼哀哉
虔奉願託式遵遺志指珠玉而不藏即陶甄以成器貽儉德以爲
譽垂風聲於後嗣嗚呼哀哉永去天邑言遵地脉背沃野之神皂

越通川之清渭懷岐下之前迹眷新豐之舊里嗟哀噓以留思
翩翩顧指悲風急而拱木吟平野晦而寒煙起嗚呼哀哉惟終
衣之如昨忽馳光之莫駐永時逝而節改俄涉新而履故野蒼
以日衰歲凜冽而行暮感物悲於氣亭銜哀踐於霜露泣川水之
逝波動商山之風樹踳厚地而無感仰高天而何訢嗚呼哀哉曰
聖與人誰前誰後炎昊無金石之固勛華異松喬之壽孰歷世而
長存唯令名之不朽矧玄功與至德冠列辟而為首俾軼五而登
三與天長而地久嗚呼哀哉

唐太宗文武皇帝哀冊文

褚遂良

維貞觀二十三年歲次己酉五月甲辰朔二十六日己巳大行皇
帝崩于翠微宮之含風殿旋殯于太極殿之西階粵八月庚寅將
遷座于昭陵禮也鳳管疑和龍帷將曙蓋化同軫綿區縞素哀子
嗣皇帝其覽鳳樹而增感攀銅池而拊膺追宗祀之是寄傷往駕
之無憑奠樽盈而悲緒促靈景駭而愁雲興去翫滋遠清徽方闕
爰詔司存傳芳瓊宇其詞曰

三微固祉五曜垂文光昭司牧對越唐勛族著女牝家傳縉雲高
配于天一人有慶大行神武惟幾作聖良書自得高文成性夙表
餘雄先懷反正蒼兕爰發朱旗首令寰瀛昏墊關洛荒蕪妖傾地
軸盜弄乾樞戎衣光啓霸政宏晷昊天兵電掃月陣風驅蚩尤遞剪
契竊咸誅閏位不虔餘分興戾先收秦組次焚商袂轉圜上略容
光下濟從邑垂仁賓門麗惠脩風順軌擬圖奉睿青矣同規玄珠
協契發輝三五聲明遐裔沃野休兵靈臺復華升嚴藏斂博河奉
璧學肆徐輪立園散帛就日收宜如天在斯刑哀動植少美填虎
樂華曾舉禮葉旁垂沙場罄前羽十極咸羈狼山入囿漸諸歸池東
旌若木西旂條支龍鄉委責鳥服來儀大矣乘時悠哉利見文龜
浮沼應龍在定瀟露飛甘鄉雲呈鉤松莢均幸瑤華方薦仙舟劔
術星飛告變凝冷眾於升手掩璿暉於離殿嗚呼哀哉商管初秋
飛絃罷佾驚川悠緬宮車晏出大隊弗營元龜獻吉展軫效駕端
圭司日迫靈輻於將餞痛皇情其如失疑秋林於廣路朔悲風於
表術輕柏梁而徐轉萬蘭池而從躡登軒旆之逶迤動邊笳之蕭

瑟鳴呼哀哉周營甫窆耗漢啓泉闈穀林搖落喬巖變衰平原淒兮
白日遠深渚澹兮秋雲飛覽銅雀而興慕傷鼎湖之不歸嗚呼哀
哉峭陵玄壤嶠山窮路虛衛翻英輕馳委素堯門閉而日慘義庭
易而雲呀嗟厚德之長遠仰高天而攀慕嗚呼哀哉崇基永煥
置業方昭遺風餘烈天長地遙想神襟而騰茂縱史筆而揚翹龍
嘉聲於日月終有裕於唐堯嗚呼哀哉

唐中宗孝和皇帝哀冊文

徐彥伯

維景龍四年歲次庚戌六月辛巳朔二日壬午大行應天神龍皇
帝崩于神龍殿旋殯于太極殿之西階園皇雲元年十一月二日
乙酉將遷座于定陵禮也書陳毀亦而雕輜肅軌縞緋霜迴丹旂雪
引御空臺之眇默背天閣之崇峻皇帝瞻在原之隊響感聯慕考之
凋陰禮奠以兮泣遺跡同氣訣兮悲聖心爰命下臣式揚鳴謚咨
睿烈於金縢刻明猷於玉字其詞曰

少典之子重華之孫珠聯寶系海浸昌原鳳鳥鳴國龍蛟守門於
鏤皇朕赫應成命青靄南浮彤雲北映掃刷中寓光身累聖欽若

應大纘成前慶身佩星斗掌提曦鏡克明克類允武允文就之如
日望之如雲聲中律呂研合典墳道懋登庸榮膺繼體位擁育
陸業移朱印春誦夏弦詩秋禮復子明辟固天攸啓鵬舉提象
鸞鳥飛鸞乾雉圖已御芝華仍傳拱默當寧賡歌撫絃堯親更睦
德通擅萬寶阜成四門光闕宵衣若厲道風猶在野接翹車殿橫
儒席留連鑄讎姦詞定灑洽泉魚恩周丹毛耗鞮譯鸞輪要荒走
幣削觚反樸寬刑薄稅以富京抵人志班厲帝圖廣運天意難誣
旒旒祥鶴張皇瑞符仙世拘砌神蕙搖厨龜負綈檢鱗銜斗樞孝
思罔極宗庸克賽親幸國陽式陳昭配翠輦容與蜺情曉蒼壁
木蘇羅明祇肅對玄精備典洪範盈疇將竦華蓋遙封立獸紫寅
之阨僻追白雲之豫遊時若慕於喪妣道空在於委裘嗚呼哀哉
惟幾在辰枚一違吉仍几虛座綴衣空室景沘攝提悲纏旦日羣
臣奉於未命天下悲乎晏出嗚呼哀哉宗伯莅典同軌赴辰龜謀
人兆犀轉移輻喝若挽於香掖咽酸茹於曙曼彤階自晶晶兮露驚
木玉座微微兮花掩塵嗚呼哀哉列綺城之哀仗引滋橋之度壘

朔風急兮御道寒愁日晦兮雲郊晚駐石馬之新塗下金天之舊
坂見疎杏之原長覺深松之路遠嗚呼哀哉伊昔睿詰先謀壽宮
猗那我后復幸方中委冠劍於泉空保明靈於昊穹山有移兮海
有變道無缺兮聲無窮嗚呼哀哉

唐睿宗玄真皇帝哀冊文

蘇頌

維開元四年歲次景辰六月乙巳朔二十日甲子大行睿宗大聖
玄真皇帝崩於百福殿徙殯于太極殿之西階粵十月朔某日將
遷座于橋陵禮也素帶寒周青壺啟言節儉無聲以虛衛陳有象
而成列哀子開元神武皇帝某追攀引綵眇擬司常懷庶物其涕
迸感衆靈而影彰瞻茲鴻業欽若要道爰制近臣敢揚太寶其詞
曰。高祖興唐垂其耿光睿宗誕慶紹我明命明命伊何重熙
累盛耿光伊何翊善傳聖在昔分瑞爰初剖符宅殷令典居相宏
圖宣哲觀藝祇庸服儒踐其成式納以嘉譽吳曆終泰傾維更紐
予從代王子事周母退象藏密冲襟釋負不為震驚自得謙受權
乃復身塞而自開固推皇帝仍陟元台鳴牝特降一命紅肆災融馳

帝武重掃苑圃三讓天下載者宸極順夫斯心忘我帝力新譯後
頁親賢止職樂英已敷禮緯重繹宗廟率祀郊丘肇禋禘而迎真
交以祈春靜默必道和平返淳智周翔泳功濟陶鈞知子惟明從
吾所尚陋伊祈之莫緒追齧缺而將喪帝允執乎殿中皇遂崇於
太上始授圖而觀察終脫屣以清曠齊必閉館朝而別宮問安順
色資孝弘風理極兼受言承至公且綴衣而憑几忽成鼎而號弓
嗚呼哀哉夢年罕驗顧是付囑屬神哭其得所委靈志其何欲增
摧絕以孺慕竟厭時而去俗萬邦赴而同軌六遂陳而帥屬外羣
悲於縞素中不座於珠玉蜃輅迎轉龍旆戒徂寒生紫殿曉發清
都笳挽遲遲而徙靡旆旌戀戀以威紆除櫟陽之御路拍橋嶽之
幽途禮既獻而三撤神方寧而九虞遠游通冠近嚴歸蹕因高而
渭川盡見馮下而秦京稍出積耘草以橫霜攢悲松以駭日嗚呼
哀哉皇義軒之建子妙芳令問傳其不已猗簡冊之尊聖真兮鴻
名紆而方始然後景雲謁華露滋揚至德殷永思此天子之孝也
夫何足以知之嗚呼哀哉

維寶應元年歲次壬寅建巳月五日元宗至道大聖大明孝皇帝
崩於神龍殿旋殯于太極殿之西階粵以寶應二年三月甲辰朔
十一日將遷座于泰陵禮也象物已設仙馭將飛空聞脫徒無復
求衣孝孫皇帝親臨遣奠意延剋刻向池綉而涕流想山園而心
惻九天兮無所一往兮何極感貽美於孫謀俾述事於祖德其詞
曰○天厭隋亂中原無主人歸唐德上帝是輔以聖易暴與文
繼武義冠殷湯威包漢祖仰膺曆數光宅區宇惟皇得一承乾嗣五
赫哉厥初萬物斯覩景龍之際坤儀反坤不利王室至將開禍門呂
危劉氏趙啄皇孫我獨杖劍神期武賁上排閭闔俯掃軒轅不驚
宗廟大造黎元為而不有禮備尊々乃奉睿宗爰受寶命問安侍
膳純孝至敬維城之年佐潞之政一著冒獻兆百靈翼聖躍馬截流
水不敢競潛龍變海池亦呈慶有開必先興王之盛誥曰皇帝余
倦于勤往績不業以順兆人辭之不可其命惟新體乾之大法土
之均臨之以日生之以春寒暑章信動植知仁九族既睦四門既

通之聖電斷之神求賢發靈虛就列播紳謹言是聽庶政必
措兵戢威加德馴戎狄龍靈軍塞不啟馬塵琛賚爭入來自無
堪駕鼓斥駿焚裘棄珍風雨時若京坻相因師於上古思與遠溥
然後制禮節焉北祠后土南郊上玄齋祭陵廟位號山川教戰講
武祈農籍田冕旒問俗旌旗幸邊文物蔽地英聲動天鳳巢麟擾
甘露醴泉九尾三脊朱草雲煙繽紛效祉每歲且千道德洋溢乾
坤交泰成功如何登封于岱山太平如何是時無外才藝餘美帝王
之日取學究天人乙夜慙對文齊日月秋風靡逮推曆正元調律平
害札動雲落弦開葉碎揮琴陋虞敷詞輕沛良辰可賞聽政方
退鍾鼓屢陳君臣高會魏魏蕩蕩四十餘載巡省順動西南奧區
命子出震繼明握圖長驅猛士累前封狐不失舊物言旋上都離
宮就養壽酒多娛習道久矣神仙遠乎嗚呼哀哉湖上鑄鼎海中
祈藥忽乘紫氣長游碧落早開萬戶若無天兮寥廓八達九衢維
有兮寢寔淚為雨於宸極哭成雷於郊郭遺轍跡而徒攀葬衣好
而可託同軌畢至初陵已開震鳳輦於仙仗降龍輅於帝臺擬將

行兮肅穆似有觀兮徘徊遇春城兮如送望春山兮謂來嗚呼京
哉壽原肇吉先天不違接橋山之大隊營金阜之玄扉擁馳道兮
皆往獨宮車兮不歸厚夜兮藏晝終天兮最輝文始遠極武餘英
威立德不朽至道惟微雖陰陽之與變化侔聖德兮安可希超前
古以作則遺後代以垂衣嗚呼哀哉

唐憲宗章武皇帝哀冊文

令狐楚

維元和十五年歲次庚子正月甲戌朔二十七日庚子移殯於大
內太極殿之西階閼五月十五日庚申遷座于景陵禮也玉衡南
指金波西落皓雪隳其麻衣素縗寒其綃幕柳宮龍動竹池魚躍
非庶兩泣於浩穰萬靈風號於寥廓哀子嗣皇帝仰攀雕輦殷奠
瓊筵哀無容以觸地痛不返而終天仙仗徐進宸儀永隔降睿旨
於鸞臺揚聖功於鳳冊其詞曰

配天惟唐伊祁同光應道為帝玄元之系聖人有作孝子善繼顯
赫十朝總齊四表同執其大象司彼左契武烈誕敷文明下濟出潛
離隱或躍未融親則盤石封殊前祠承桃黃屋主幽青宮禮樂盡

在謳謠荐至軒皇倦勤傳付神器太母侍養親臨寶位怡聲下色
先意承志家令敢言天子昇貴明明出靈業承乾其仁如山其
智如泉理析堅白學探幽玄揮毫霧動按藻霞鮮所持者儉所寶
者賢刑靡不省賞無不延冕旒迎日珪璧祈年涕謁宗廟臣朝昊
天天縱神聖日躋孝敬鴻名再加寶曆日一定窮人屢賑名士交聘
獸愛觸邪草憐指佞梯航修貢鱗羽遂性河色呈符山聲告慶編
書辨謗創殿思政甘節必稱苦言終聽稜威之遠德政之成靈霜雪
憲章雷風號令直臺齒劍上堂靈竈奔趙際宅心鄴中聽命誰能去
兵王者有征玉壘霧廓金陵鏡清狐鳴上蔡蟻聚東平伏鑽就戮
迴戈受烹始以上殺歸於好生恢恢不識蕩蕩難名信及隱微道
存傳博走馬斯却昆蟲咸若調其玉燭徇以木鐸混同車書遠頒
正朔範金合土大興太季清蹕鳴鑾垂將登高嶽四維既張五刃已
藏蠻夷戎菴敢不來王天下清淨朝廷樂康會冠劍以高宴戲魚
龍於廣場有嚴有翼無怠無荒俗皆臻於壽域人自為於犧皇曰
出入兮安窮極雲飛揚兮無處所瑞方瞻乎鳳來災忽聞於鸛語

謂百年之可上嗟九齡之不與當疑旒而下臨奄脫疑以輕舉萬
姓哀其考喪千官懷其后撫封人猶祝於南山帝子已號於北渚
嗚呼哀哉披靈衣兮如在委仙珮兮若休建環海以靜寐謝鼎湖
而遠遊桂華朗兮高殿寂梧葉暗兮深宮秋駿馬同軌之遽至咽長
川而不流嗚呼哀哉威儀肅設文物前列酌玉斝以宵奠駕金根
而曉發出朱雀之正門背青鸞之迥闕逶迤原野蒼茫日月去復
去兮降堯階悲莫悲兮臨禹穴嗚呼哀哉地開蒼谷天作豐山江
海自流於泉下城郭取象於人間高封馬鬣永祕龍顏鱗有逆
兮曾觸髯欲升兮尚攀朝百靈以肅肅遺八駿以閑閑陵植柏兮
未拱閣生苔兮已班嚴日宮而深閉藹雲幄以空還與衆感於萬
井結宸悲於九關嗚呼哀哉神行無方乾健不息物皆被於聖澤
人自迷於帝力巍乎高代之行至矢動天之德後玄壤以長存允
蒼穹而罔極嗚呼哀哉

唐順宗莊憲皇后諡冊文

權德輿

維元和十一年歲次景申某月朔日哀子嗣皇帝臣某伏惟大行

皇太后柔明承天廣大法地祇二儀以發育含萬物而化光靜專
宅心謙儉約已塗山積厚淮水秉靈四海交脩六宮承式於德宗
有逮事之孝敬於先皇有輔佐之憂勤啓迪風徽儀刑天下伏以
永貞誥命脫躡寰區乃居太上之尊乃正中宮之位顧茲冲眇上
荷劬勞自幼逮長稟邑姜之教曷繼體纂圖申長信之供養率
用慈訓施于理道母儀所被子惠所覃一紀于茲萬方蒙福以載
物之量包逮下之仁嗣任姒之徽音慕耆老之清靜宜錫不祉壽
如岡陵昊蒼不憝艱棘俄及追惟顧復創鉅感深銜血如荼叩心
罔極今祔隅先表龜筮告吉順厚夷體幽嚴就路宰政卿方與典
禮之官詢考古式詳稽謚法以周道章明未之或改敬形擬議敢
易大名謹遣攝太尉中書侍郎平章事臣裴度奉冊上尊諡曰莊
憲皇后伏惟皇靈降格淑聖幽贊昭配清廟對越鴻休與大陰
方祗永永無極嗚呼哀哉謹言

唐懿宗元昭皇太后諡冊文

夏彦攷

維大中十三年歲次己卯九月癸丑朔二十七日己卯嗣皇帝臣

伏惟先太后體貞明以合天本懿粹以象地發秀于外含章在中
由穎川以表祥配沙麓而比德塗山佐夏華野興商潛耀空縕於
力祇秘景莫觀於圓魄卓爾絜操穆然凝輝欲報之德昊天罔極
臣猥以冲昧獲奉宗桃怵惕哀然慮墜天寶而天意允若人心克
諧惟懷永圖懼珥末命退省蒙固上感劬勞繫鏡無塵賜衣有篋
宸儀雖悶慈旨長存莫追蘭殿之晨昏空感椒塗之霜露言成陰
教行著國章逮事麻屨及於循陔終吉徒哀於陟屺敢舉追崇之典
寧申顧復之思伏惟舉位以定名考謚以尊德所以揚茂烈傳休
聲率由舊章竊擬素範令禮官詳議庶僚稱贊備陳微數克播
令猷正位號於瑤齋森禮容於金祀母儀無斁廟貌有嚴將享鴻
休實馮玄祐謹遣攝太尉門下侍郎兼兵部尚書平章事臣蕭鄴
奉冊上尊謚曰元昭皇太后伏惟明靈昭格俯鑒精誠時已逝而
敬在六衣夜不陽而禮存三獻惟是薦享子與唐無疆嗚呼哀哉

唐太宗文德皇后哀冊文

虞世南

維貞觀十年歲次甲申六月己未朔二十一日己卯大行皇后崩

於立政殺粵九月十日丁酉將遷座于昭陵禮也殯宮多啓靈輿
曉前儼帷帟於空殿肅陞衛於靈筵皇帝親臨宵載義深追遠擔
青蒲而永絕悼玉階之莫返屢輅將引犧樽已撤爰詔記言式揚
徽烈其詞曰

二儀合德兩曜齊光列聖觀象邦家克昌荷躋華族英靈降祉北
齊越姜匹宋踰子育德高門騰芳素里體仁將聖披圖閱史造舟
為梁嗣徽前德履和思順自家形國淑問不已柔風允塞糾組報
勤琬珩垂則時逢昌聖運屬休徵代邸膺曆重戾嗣興此宮並曜
黃道借昇化宣風始業贊丕承比德無競疑神不測應物通理撫
機先識體備賢能暉無眺側績包九亂恩加八極性道希夷言容
莊敬成奢處約懷冲履正景暖風暄霜嚴冰淨領略三古箴規六
行源潛流遠時昌祚延國貞誕睿皇友挺賢談高辯日學冠通玄
慈訓所及懿德光前五福云備千齡方永地紀絕維月輪韜景辰
興不豫德音彌整馬鬣無封鶴珠斯屏嗚呼哀哉異人神於倏
忽變容服於平生改清蹕以哀挽易朱旗以素旌昔照朝景邇曩

伏惟先太后體貞明以合天本懿粹以象地發秀于外含章在內
由潁川以表祥配沙麓而比德塗山佐夏華野興商潛耀空縕於
力祇秘景莫觀於圓魄卓爾繫操穆然凝輝欲報之德昊天罔極
臣猥以冲昧獲奉宗桃怵惕哀然慮墜天寶而天意允若人心克
諧惟懷永圖懼玷末命退省蒙固上感劬勞繫鏡無塵賜衣有篋
宸儀雖悶慈旨長存莫追蘭殿之晨昏空感椒塗之霜露言成陰
教行著國章逮事靡及於循陔終吉徒哀於陟屺敢舉追崇之典
寧申顧復之恩伏惟舉位以定名考謚以尊德所以揚茂烈傳休
聲率由舊章竊擬素範令禮官詳議庶僚稱贊備陳微數克播
令猷正位號於瑤室森禮容於金祀母儀無斁廟貌有嚴將享鴻
休實馮玄祐謹遣攝太尉門下侍郎兼兵部尚書平章事臣蕭鄴
奉冊上尊謚曰元昭皇太后伏惟明靈昭格俯鑒精誠時已浙而
敬在六衣夜不陽而禮存三獻惟是薦享子與唐無疆嗚呼哀哉

唐太宗文德皇后哀冊文

虞世南

維貞觀十一年歲次甲申六月己未朔二十一日己卯大行皇后崩

於立政殺粵九月十日丁酉將遷座于昭陵禮也殯宮多啓靈輅
曉前儼帷帟於空殿肅階衛於靈筵皇帝親臨宵載義深追遠擔
青浦而永絕悼玉階之莫返蜃輅將引犧樽已撤爰詔記言式揚
徽烈其詞曰

二儀合德兩曜齊光列聖觀象邦家克昌荷與華族英靈降祉北
齊越姜匹宋踰子育德高門騰芳素里體仁將聖披圖閱史造舟
爲梁嗣徽前德履和思順自家形國淑問不已柔風允塞糾祖報
勤琬珩垂則時逢昌聖運屬休徵代邸膺曆曹戾嗣興此宮並曜
黃道偕昇化宣風始業贊丕承比德無競疑神不測應物通理撫
機先識體備賢能暉無眊側績包九亂恩加八極性道希夷言容
莊敬成奢處約懷冲履正景暖風暄霜嚴冰淨領略三古箴規六
行源潛流遠時昌祚延國貞誕睿皇友挺賢談高辯日學射通玄
慈訓所及懿德光前五福云備千齡方永地紀絕維月輪韜景辰
興不豫德音彌敷正馬鬣無封鶴珠斯屏嗚呼哀哉異人神於倏
忽變容服於平生改清蹕以哀挽易朱旗以素旌昔照朝景邇曩

珮於會城今冥永夜吟松柏於山楹嗚呼哀哉氣變灰飛暑退寒
龍煙觸樹而凝條露分枝而垂泣聞哀鴈之夕飛聽悲風之曉急
仰雲霄而永慕慟陵寢其何及嗚呼哀哉背玄武而北轅絕牽牛
而橫度途去去而逾遠馬駸駸而不駐想渭水之貫都歎黃山之
隱霧勃嗚呼哀哉嗟人生之浮促若飄風之過牖牖何風而暫停人
何生而能久唯承天與載物邈慈深而德厚邁任妙之高路播英
聲而無朽嗚呼哀哉

唐高宗則天皇后哀冊文

崔融

維神龍元年歲次乙巳十一月朔二日云去大行則天大聖皇后崩
于洛陽宮之仙居殿旋殯于乾陵禮也祖庭火燼攢宮月曉雲帶
黼黻風牽絳旄儼天衛之蒼蒼貌神儀之窅窅哀子嗣皇帝慕切
無窮誠殷遣奠瞻象服其如在攀龍車而不見臨慈慈軌於長陵
神輝於前殿示人軌訓先王典則爰命史臣賜言聖德其詞曰
天生后稷飛鳥覆翼異天護武王躍魚隕旆旆于成康武子有光豐
沛之疆河汾之陽異氣發祥聖母其曰穆穆皇皇主作令于唐至哉

坤德沈潛剛克奇相月偃惠心泉塞蘋藻惟勤紘紘是則訓自隴
閭風行邦國七廟肅祗六宮允釐中外和眊遐邇清夷家道以正
王化之正上皇曰納輔后其謀咨謀咨俟皇用嘉止亦既顧命聿
懷代已聖后謙冲辭不獲已從宜稱制於斯為美仗義當責貞躬
濟厄神器權臨六運匪革宗祧永固寰宇奄宅負戾肅清垂光
赫洗洗我君四海無氛英才遠略鴻業大勳雷霆其武日月其文
灑以甘露覆之慶雲制禮作樂還淳返朴宗祀明堂崇儒太學四
夷慕化九戎稟朔沉璧大河安正中嶽出魏乎成功翕然嚮風乃復
明辟深惟至公歸閑於大庭之館受養於長樂之宮品彙齊悅謳
謠載隆鼎祚既穆璇樞已肅庶保大和長介景福如何麻非怙而降
斯酷后弄務其未掩人殺妣其焉速嗣皇擗踊列辟扶服九親號
咷萬姓荼毒嗚呼哀哉積憂勞而不豫兮構氛沴而成災逢冰霜
之慘烈兮見草木之凋摧感大漸之將至兮遺惠言而不回付聖
子其得胤芳顧黎元曰念哉頌寵錫以留訣兮節禮數而送哀邈終
天而一去兮復何時而下來嗚呼哀哉光陰在苒兮氣緒迴互泣

盡冬霜兮悲生春露攢塗之啟兮同軌畢赴湘川不從兮洪塗蓋
附古則祀闕兮也儀具嗚呼哀哉夜漏盡兮晨輓發轉相風兮
搖畫月厭河洛兮不臨去高印兮飄忽拍咸陽之園寢麻長安之
宮闕旋六馬兮頃期考三龜兮中歌嗚呼哀哉出國門兮夷由覽
舊物兮親奠備物森兮如在良時闕兮莫留當赫曦之盛夏死蕭
瑟之窮秋山隱隱兮崩裂水洄洄兮逆流嗚呼哀哉挂旌旒於松
烟即宮闈於夜泉下幽翳兮無日上穹窿兮蓋天隧路嚴兮百靈
拱殿園虛兮萬國旋如有望而不至怨西陵之茫然嗚呼哀哉攝
帝皇之高風欽文母之餘懿時來存兮立極數往歸兮配地何通
變之有恒兮而始終之無愧惟聖慈之可法播徽音於後嗣嗚呼
哀哉

唐德宗貞懿皇后哀冊文

常袞

維大曆十年歲在辛卯十月辛酉朔六日景寅貴妃獨孤氏薨粵
明日追謚曰貞懿皇后殯于殿之西階十二年十月癸酉乃命門
下侍郎同平章事常袞持節冊命其月二十五日丁酉遷座于莊
陵禮也素紗列位黼帶周庭輅升玉綴軒缺珠纓皇帝悼鸞鳥
以追懷感麟趾而增慟備百禮以躬遣命六宮而哀送宗祝薦告
司儀降收爰詔侍臣紀垂鴻休其詞曰

祚祉攸久寵靈誕受元魏戚藩周隋帝后三侯迭興七貴居右肇
啓皇運光耀有文母續女是因以綱大倫生知陰教育我蒸人瑞雲
呈彩瑞星降神聰明睿智婉麗貞仁雖昔天臨金搜求才淑龍德在
田葛覃于谷周姜定有字漢后推轂王業惟艱嬪風已穆繼文傳聖
嗣徽克令不曜其光乃終有慶祗奉園寢肅恭靈命越在哀然聿
追孝敬文織絲組朱絲玄黃一供祭服以祀明堂法度有節不待
珩璜篇訓之制自盈縑紉叙我邦族風于天下始於憂勤吐成王
化慈厚諸女寵臨下嫁登進賢才勞謙日夜服繒示儉脫簪申誠
訪問後言謙游風退內和羣婦動有矜誨外睦諸親泣辭封拜闕
翟有日親贊蠶俟時忽歸清漢言復方祗萬乘悼懷群臣慕思玉衣
追慶金鈿同儀嗚呼哀哉去昭陽兮窅然乘雲駕兮何在人伐苑
兮如舊日涼條兮已改羣傑森以成列素旗儼而相待言從玉北

之貞永閱瑤華之彩別長秋之西苑過望春兮南登招帝子于北
渚從母后於東陵下土清兮動金羣外無像兮中有憑合簫挽以
攢咽結雲雨之凄疑吾君感於幽期俯曾亭而望思慘嬪媛以延
佇極容衛以盡時搖巾袂兮遠訣隔軒檻兮群悲不復見兮迴御
輦傷如何兮軫睿慈下蘭皇兮背芷陽旌悠悠兮野蒼蒼帶白花
兮掩淚衣玄粉兮斷腸當盛明兮共樂忽幽處兮獨傷去故庭兮
門遠即新宮兮夜長憊無文繡之飾器無珠貝之藏蓋自我之立
制刑有國之大方嗚呼哀哉見送往之空歸歎終焉之如此方士
神兮是與非甘泉畫兮疑復似遺音在於玉瑱陳迹留於金卮
獻萬壽兮無期存二南之餘美

文粹卷第三十二

文天

吳興姚

書師曠廟文

許由先生廟醮文

弔夷齊文

祭壽縣文

祭壽縣文

祭壽縣文

祭壽縣文

祭壽縣文

祭壽縣文

許先生頴陽祠庭獻醮文

柳識

壬辰歲夏四月客有自洛東遊至先生遺廟而頴水古風舊山出歸
然追懷古蹤慕美至道以時酒敬酌于靈既酌既拜獻乎言曰
天清既能久地靜不能朽先生清靜天地全性出於胚渾入於鴻
蒙雲遊鳥還蒼鬱和風當時帝道已半滋章欲深大樸散於人未
散於山林乃有巢父木食具同心堯齊公器退然見推遇聖相感不
得不知耳雖濯於清流道終播於無為所謂春膏時蒸朽華自滋

先生含德唐堯發之頴陽之仁德日大天下之祿利日卑且聖王
所重者名器至人所重者感通推以大名義同讓終廉能感俗道
白為功任應會之偶然生垂後之清風人登雲嶺多憶箕穎倚歟
先生山水齊名茲焉遺廟萬古其馨

弔夷齊文

柳識

洪河之東兮首陽兮崇側聞孤竹二子昔也餒在其中借隱却為
得仁而死青苔古木蒼雲秋水竟兮來何依兮去何止撥濁砥之
毛薦精誠而二初先生鳴逸中州鸞伏西山顧薇蕨之離離歌唐
虞之不遠謂易暴兮文武謂墨緩兮胡顏一吐兮忘飢若有謂兮
下巖之關豈不以冠弊在於上履新處於下且曰一人之正位孰
知三聖之純嘏讓周之意不其然乎是以知先生所恤者偏矣當
昔夷羊在牧殷網解結乾道息地維絕鯨吞鯨兮鬼孽亡奮雷武
天意若曰覆晉暴資濟哲於是三老歸而八百會一戎衣而九有
截況乎旗錫黃鳥珪命赤烏俾荷鉅橋之施俾申姜里之辜故能
山立雨集電掃風驅及下車也五刃不礪於武庫九駟伏轅於文

途雖二士不食而非人其蘇既而溥天周土率土周人嗟先生
逃將奚憐萬姓歸德兮獨鬱乎方寸六合莽蕩兮終蹈乎一身雖
忤時而過周終臣心而測殷所以不食其食求仁得仁然非一端
事各其志若旁通以阜厥躬應物以濟其利則焉有貞節之規各
親之事靈乎靈乎雖非與道而保生乃勛為臣之不二

書師曠廟文

袁皓

吟篁怨桐天其聲乎鏘石鏗金天其文乎擊華鳴絲天其暢乎匏
士之韻天其和乎天有至音寄斯八物先生不生斯音鬱鬱先生
既生斯音在律嗚呼先生之耳時可求也先生之心不可得也天
全樂乎先生之無神乎愚固狂而不可撫先生之有神乎愚堅誠
而乞其圖先生之耳有神乎化為天下之耳先生之心有神乎化
為天下之心者可以舒於今然後家家知舜琴

上天鼓文

程浩

雷車闐闐六合喧吼驟風雨於南極簇皇雲於北斗遑俄選感東
海以波蕩擺大山而瓜剖玉石至堅切如泥海松栢至勁粉為枯

巧鼉皮擊考而騰魅狹賜龍領能觸而鯨鯢奔走陶鑄造化之鑪
而鴻毛萬像於運乾坤之柄而嬰孩羣有由是言則九鼎瑣紙三
山培塿直鼎鼎可以指揮蓬萊可以背負殊不測離蒼天之近遠當
懼驚焉魂在玄雲之幾重徒勞矯首及夫白日兩歇長虹霽後列缺
緩轡玄貝假手蓄殘怒之未洩聞餘音之良久而小子之繆學敢
獻疑於座右今若為善惡之宰主操賞罰之休咎胡不扶持顏閔
之禮行天關踴躍之龜壽罪一亂臣懲天下之凶醜旌一孝行激
天下之悌友法高懸於堯典刑不誠於周后何必霹靂潛雷之
龍養育吠堯之狗

祭壽縣文

獨孤及

天地不仁神明無親惟正具與若響之答敢有象恭滔天供豐稱
亂國有明罰神其捨諸賊臣劉展假龍多難敢包復心藉發萬毒
將敷虐于我上下神祇使東溟揚波群動野望呈帝乘震怒於劫後
戮命我上將底天之伐於是育虎守雁鳥揚之凶醜子毒正之計履
行而東越伐用張月羽去積必先絕行方

二掃建業斬梟獍以豐鼓封鯨鯢為京觀俾萬里浪破三象
今以令月吉日整駕即路是用徼福于爾有神惟神降哀尚弼予
志敢告無麻非旗無絰駢無次斬無償車命五將護野萬靈並轂令
天地氛復均風掃除魑魅魍魎罔不率俾莫我敢遏為神祇羞尚饗

招北客口文

蜀之先曰蠶叢叢方縱其目以稱王當周室陵頽兮亂無紀綱泊乎
杜宇從天而降鼈龜靈泝江而上相禪而帝據有南國之九世蜀本
南夷人也皆左其衽而推其鬢及通乎秦也始於惠王之代五牛
琢而秦女至一蛇死而力士斃死二江雙注群山四蔽其地卑陋其
風脆脆蠻貊狼虺滇棘為隣地偏而兩儀不正寒薄而四氣不均
花葉再榮秋冬如春暮夜多雨朝旦多雲陽景罕開陰氣恒昏以
暑以溼為瘴為厲氣滯熱以中人吾知重膑之疾兮將嬰爾身蜀
之不可往北客歸去來兮
其東則有大江溼溼下絕地垠百谷相吞出於荆門突怒吼劃附
于大白游瀾珊瑚會于滄溟跳噴浩淼上濺飛鳥蹙縮盤渦下游

竈壘三峽兩壁亂峯如戟岷岷嶺洞劃坳高于天霓雲外水
積晝日無光其下黑窄瞿塘無底淺處萬尺啼猿哀哀腸斷過客
復有千歲老蛟能變其身好飲人血化為婦人銜服靚粧遊于水
濱五月之間白帝之下洪濤塞峽不見灩澦翻天感地震吼雷怒
亦有行舟突然而去人未及顧權未及舉瞥見陽臺不辨雲雨千
里一歇日未移午須臾里嵐暴起拔樹震山石走砂飛波騰浪翻
舟子失據摧檣折竿漩入九泉沒而不還支體糜散蕩入石間水
族呀呀拔刺爭食蜀之東不可往北客歸去來兮

其西則有高山萬重峻極屬天西有崑崙其峯相連日月迴環闕
于山巔巖崖盤欽天壁竄絕陽和不入陰氣固閉千年增冰萬古
積雪谿寒地坳谷凍石裂夏月草枯春木折蒼烟疑兮黑霧結
人隋指兮馬傷骨江水噴激迴盤紆紫棧壁緣雲鈎連相撐繩染
喋虛傍沓杳冥下不見底空聞波聲過者矍然亡魂喪精復引一
索其名爲笮人懸半空度彼絕壑或如鳥兮或如獲倏往還來幸
不落或有豪猪千群努鬣射人寒能孔碩登樹自擲見人則辟去巨

如牛脣角如劍餓虎爭肉吼怒鬪鬪復有高山峻嶺若兮聲耳若雷
之軒轅上敲下磕似火迸兮蒲山流星澗溪忽兮倒流林岸爲之
顛傾碎騰抗與過鳥駭木魅兮山精飛石駭人兮不可行西有犬
戎與此山通形貌類人言語不同擅盧隆兮毛毳裘蒙茸啜酪啖
肉持鎗挾弓依草及泉務戰與攻其聲如犬其取如蜂中國之人
兮或流落於其中豈只掘鼠茹雪以取活終當鉞其足而累其曾
泣漢月於西海思故鄉於北風蜀之西不可往北客歸去來兮
其南則有却笮之關天設險艱少有平地連延長山橫亘廬江隔
關百蠻吁彼漢源上當漏天靡日不雨四時霽然其人如魚爰處
其宗終年霖霖淫時復日出折折諸犬向天吠日人皆溼寢偏死甯
疾復有陽山之路毒草下疑白日無光其氣帶曹暑雨下溼黃茅
上蒸南方之人兮不敢過豈止走獸蹄兮飛鳥墮吾不知造化兮
何知此方些蜀之南不可往北客歸去來兮

其北則有劔山巉巉天數盡之門一壁豁舒高崖嶙峋上拄南斗傍
鎮于坤下有長道北達于秦秦地神州中有聖人左右伊臯能致

若雙闕我義上覆慶雲千官鏘鏘朝于紫宸玉樓鳳皇金殿麒麟布德垂澤搜賢修文皇化欣欣煦然如春蜀之北不可以往北客歸去來兮

送窮文

段成式

予大中八年作留窮辭詞人謂予辭反之勝也至十三年客漢上復作送窮祝是年正之晦童稚戲為送窮船判筒而槽比揮而閭細桌纏幅楮飾木偶家督被酒請攘窮將醉地歌舞予謂窮曰予送非嚙齧麻蕪循陰索際營葦淪餅直胆涎溷著非寒哭族燐敗衣網身惡觀牆間冷嘯凄辛者非嚇去現族巫欺窮燒衰燼數渚泉擾狎狐狸者噫有才歎升窄腹腸噓客幾童其筆燥心汗漉以是而歿者去此有開卷數幅空心妨去目襲經攻史方寸日戚足以是而歿者去此有議古酌今左凌右侵麓坵酒泔短澆不禁以是而歿者去此

青龜文

王岳靈

萬物之貴者人也人惟秀介蟲之智者龜也龜惟神隱括無形神

之謂也窮通有極秀之謂也况天之與人其道其遠不肖以也一將何遠焉則吉凶之祥假子以吉變化之象因子以明欲愛謀禱疑必先弊且命宜蠲割誘慕展布心腹子無欺於人人有望於子哉天下之寶且豐豈不率道與何諸呂弄權昭六橫於漢帝辛立毒痛匪告繇於周武揆惡之輕重也呂之惡不浮于辛量德之休明也昌之德靡及於發子二其行誰不解射矣夫義禮之輿也信身之幹也何陳氏之母不疾而稱疾魚魯孫之臣卜僭而告義喪於禮失其徒寔繁吾不殫悉考夫演卦繇者著也著之靈而不如子之長定妍媸者鏡也鏡之明而不如子之知銘乎竹帛刀代不泯奚起矛楮俾吾反惑於古人孰謂子原天地之美達五行之理徒使疏淪澡雪仰止蒙求曾曷之校何異之曹丘生遇拒季布善助已虞國僑哉必以剝桂刻漆非林木所願拔鷓裂冠非禽鳥所欲當潛伏齋齋違禍曾曷九江錫命其可得乎豈不免氓之蚩蚩然惑於耳目也

檄曲江水伯文天寶二載瀾羣公之故也

樊鑄

主張於地之血脉者豈不曰水伯乎爾自獸爲身面爲人控牽兩
龍窟宅百谷億有祀矣故數倫於元氣之液弄權於坤輿之窳
云老而不死是謂之賊伊我謂爾有是夫何者三載二月春服既
成冠者五六人才子六十人皆簸揚文精開闔武庫游嬉春晝
泃江干興飛壯心舞曳齒曹皆賦白龜之德不負赤鯉之本爾何
爲陰發暴殄潛生毒痛箕禍階於沙岸垣死府於花鳥如數子者
皆載垂堂之誠爾始若懸流三十仞跳沫四十里固雁尊而不親
豐豈相及爾岸不倅岫流不唐突設人所倚之福陷爾孔易之誘
泃水術貫堅之功舫聲之如螭蟻捫空呼天迄死不救倏忽化魚
之惡誰下拜牛之惠溺我國寶豈明時弃珠之泉沈彼絲船實玄
夜藏舟之壑與夫觀右山四耳之獸夢潁川一角之人置平大江
未匹斯甚使揭竿求父之子投錢請弟之兄奏焚焚傷妻之夫
厲波濤狗婚之婦懼其凶害不刃荼毒並告無辜于上下神行
哭失至於爾安乎爾今肆行賊虐者豈不謂性與習成乎何哉其
者溺孫與公於後湖之中淪炎帝女於東海之上化鼈龜於黃氏之

母爲魚於縣南之郡爾應恃以舊捷蔓其後圖殊不知事不欲數
數斯辱矣惡實已滿天命誅之狀今麻姑爾自昔爲過之所或天
涯或地已起於侯甸之外且非輦轂之下豈比今日俯九門臨四
達使哀聲悲響一及聰聽爾誰欺欺天平然曲江者南峙仙閣北
距靈宮足可効赤水產黃帝之珠胡爲穢蒼君生靈竊司命之契况之
人也皆編中華俗游無何鄉所異猛火烈出而焚焚大浸摺元而
不溺既遇爾省括捨之中縱使飯術解纜之劍山經不沈之木豈
可免爾之圖乎茲中江自首創至于今時數千里子而代易主鳥
流波耗纒可接腋於井蛙詎持頭於海鼈爾之所處豈不狹隘乎
人之所賞豈有舳舻乎逮天寶具載我皇恢土德以博之寶貫澤流
以濟之積潤下之波瀾用濟川之舟楫豈不謂幸於爾也爾何病
以致益凶以自斃使彼都人士自此之後懼爾同矢神之海惡爾
甘探手之湯匪徒歇爾盛事過自撥也雖悔可追然靈音莫尊於君
人時莫美於陽春君固愛人種德乘春宥罪首圖固去桎梏爾
奚得恃宅無聞括守有曲龍哀不辜於山獄之候繫餘殃於積慶之

家僕謂數子曰天曹誥地府黜爾主職在於斯道不然僕見欲上
書於承明廬徵留近速周處擊劔長逐孽波深搜爾居遁逃則
用僥東請長臂者儼鹿之又於雄棠北使長股者憑踐之不然邀
離朱以視之命宋定以縛之然後調馬梅扇獸戾是烹是醢以報
東門爾儻若混空隱形和水匿象則使牛曳蛇尾絕其本根縱逢
山見羸毛終難必復矣僕亦宜念五六日至于旬時恐爾有詞曰
予不誠視成不令而行故矢在弦上垂而未發儻能易轍僕則既
往不咎若爲刻舟爾則何辭以對徐察亦變惟審圖之

文粹卷第三十二



